

富平縣志

函一  
十册  
函

富平縣

志

劉錕題



卷緒章  
仲奇開離

敘

余友樊君宰富平之明年邀余游頻陽至則見君日夕勞撫字訟庭之暇則商榷邑事之損益政治之得失除耗蠹累省不便法時親履郊畿疏渠以資灌溉復核前令某君七年任內延人所爲邑志不洽眾情而捐助經費十餘僅二三君毅然身肩以署爲志局甫條舉綱目卽奉檄調長安去繼任者山左焦侯至聞修邑志則慨然願助成其事余漫應之自惟非史才惴惴不敢獨任也甫四閱月樊君膺內艱焦君又調治長安余亦疊遭期功之喪心志衰頹不親筆硯者累月日事遂中輟邑紳田君補山董志局事屢至省門見促曰吾邑

宣之縣志卷之十  
自遭兵燹巾幗完貞節儒素殞鋒鏑彼士若女效忠赴義斷  
脰絕吭其磊落志氣可以參天地而質神明奇蹟偉行今而  
不書恐日久或有散軼者其大節盛美鬱而不彰亦吾人之  
羞也仍相屬焉顧念發潛德闡幽光誠士君子之責也於義  
不可却爰就採訪所及者爲之編輯成書以付劉令君屬爲  
刪正且冀異時採風者有所考察焉旌德譚麀敘

富平縣志橋敘

古侯國各有史卽今之郡縣志是也其體例出於括地志太平寰宇記華陽國志元和郡縣志諸書凡一邑之天文地理食貨職官選舉人物藝文上下數千年事蹟燦若列眉散古誼厚風俗聯鄉黨䟽戚之情興孝悌慈愛之思俾後之從政者有所賴焉富平一邑兼懷德士門二縣政殷事煩邑志修於乾隆時江右吳君六鰲所輯今已百年同治初元回捻交訖變起倉卒貞婦烈士蹈義殞軀繼以荒旱地方凋敝已極前令尹樊君雲門下車伊始卽飭邑紳分途採訪並延譚君西屏商同編輯未匝月樊侯調治首邑携書入省甫半載君

以內艱去職仍屬譚君編纂又一年書成余適膺斯篆譚君以書相付爰集手民刊刻俾傳永久按富平人材代出秦漢爲盛明之四先生張李楊孫實士之魁傑勁節孤忠磊然軒天地者至我

朝名臣碩儒如朱氏田氏世著清芬經義學術具有根柢至若李天生先生淵懿鴻博鬱然爲一代文章正軌雄奇精勁可以立懦廉頑扶翼世教斯志中採擇數篇雖不足覘其底蘊然時攄發胸臆吐出光芒余爲叙述本末題諸簡端亦欲使學者知文章本經術非雕組之爲工也頻陽夙多才哲庶幾感發奮興以俟時世之需豈憂繼踵而起者無人乎古聖

王敷教善俗之道於是乎在以勸鄉人率父老子弟興禮讓  
飭紀綱習勤勞安耕鑿守先民遺訓以篤行化鄉里務光大  
前人之烈挽風俗而還之隆古則於斯志也其益光矣

光緒十有七年歲在辛卯八月知富平縣事滇南劉錕撰



富平縣志稿纂修姓氏

叅訂

候選知縣前洋縣教諭舉人田兆岐

神木縣教諭舉人孫芑詒

采訪

戶部郎中舉人陳兆鳳

舉人李楨

貢生師以嚴

廩生田培堃

廩生翟炎堃

孝廉方正候選教諭廩生張之燮

廩生井兆泉

廩生賀炳麟

增生安基

優生譚樞

優廩生陳鐸

生員劉夢熊

生員楊煥春

生員王肇修

生員陳思善

員來輯瑞

員高照斗

員党价

員王愷

員董錫璋

員劉景光

員楊鴻卓

員樊毓蘭

員李上林

員常培春

生

員王景烈

生

員石海峯

生

員雷鐸

六

品軍功武

生党世英

舉

人支維棟

舉

人褚林翰

山

東卽用知縣進

士王天培

畧

陽教諭貢

生田奉舜

候

選訓導廩貢

生羅鏞

廩

生孫子荆

生

員倅子銘

舉

人侯樹屏

繪

圖

生

員武訪箕

捐梓姓氏

鹽

提舉銜候選州判貢

生李堃

知府銜前江西候補直隸州知州楊邦棟

內閣中書銜現任洛川縣教諭貢生樊宗甫

候

選

同

知張利用

前

湖

北

知

縣武鎮西

內

閣

中

書

銜

貢

生劉綬

花

翎

副

將張寶祥

守

禦

所

千

總楊應魁

貢

生魏養德

貢

生倚家彥

貢

生王兆吉

廩

生楊炳彥

廩

生劉 垚

生

員強作楫

富平縣志稿卷之首

纂修姓氏

捐梓姓氏

目錄

例言

宸翰

富平縣志稿卷之一

地理志

疆域

形勝

圖經

里鎮

晷度

沿革表

山川

古蹟

富平縣志稿卷之二

建置志

城池

衙署

學校

書院義學附

倉廩

壇廟

祠祀

寺觀

陵墓

橋梁

堡寨

富平縣志稿卷之三

風土志

戶口

物產



風俗

藝文志

金石志

富平縣志稿卷之四

經政志

水利

墾荒

驛鋪

屯衛

差徭

風俗

藝文志

金石志

富平縣志稿卷之四

經政志

水利

墾荒

驛鋪

屯衛

差徭

鹽法

鹽法

鹽法

保甲

富平縣志稿卷之五

人物志

名臣

忠節

鄉賢

友悌

耆德

流寓

富平縣志稿卷之六

孝行

名宦

儒學

義行

方技

人物志下 同上

科目表 進士 舉人 武進士 武舉

選舉表 孝廉科 賢良方正科 經明行修科  
人材科 孝廉方正科 博學鴻詞科  
徵薦

富平縣志稿卷之七

仕宦表 五貢 例員 封蔭 軍功

職官表 知縣 縣丞 教諭 訓導 主簿 典史  
武職

官師志

富平縣志稿卷之八

節孝志

節孝

列女

富平縣志稿卷之八 目錄 三

節烈

富平縣志稿卷之九

節孝志下

節孝表

富平縣志稿卷之十

故事志

蠶桑

荒政

賑蠲

兵事

故事表

兵事

祥異

雜記

富平縣志稿例言弁首

宸翰

今志富平首列

世祖章皇帝祭陳有虞

諭旨以示尊敬

國家絲綸炳煥實足與典誥並壽況有虞之忠烈得蒙表章足爲富邑志乘之光故恭錄弁首俾讀者生忠愛之心焉

富平志創於明萬曆十二年孫恭介丕揚纂於

國朝乾隆五年喬令君履信續成於乾隆四十年吳令君六鰲孫志圖攷傳志凡十條喬志取立山太保暨韓斗山未刻稿

富之縣志和名首  
本託以權輿參以己見增訂竄易分爲十四志目較稱詳確  
吳志距喬在近踵武增華紀載亦備三志在前舊章足則今  
茲所增百年文物凶荒災劫時異事殊貞烈節孝奇士偉人  
綜名覈實登諸簡篇恐日遠事湮無聞爲憾

前三志地理疆域雖有圖說而道里遠近未詳閱者茫然茲  
準鄭漁仲地理圖經開方經緯俾幅幘廣袤覽者瞭如

周官小史掌邦國之志外史掌四方之志卽今之

國史一統志各直省通志及府州縣之志是也班氏因史記爲  
十志地理居其一范蔚宗改名郡國亦猶夫地理也郡國稱  
志則自晉常璩華陽國志始也唐宋郡縣志專志地理樂史

太平寰宇記閒及人物藝文此後踵事日增天文五行食貨  
職官選舉莫不詳錄是一志書而竟兼全史體例矣史紀一  
代之事志則上下數千年事蹟莫不備具是一志書而兼古  
今通史矣後世作者如林或蹈常襲故或矯弊矜奇或蕪引  
以稱賅博或易名以矜古雅以致名實不相應而攻擊之端  
紛起矣

關中論志體皆盛稱明之朝邑武功二志以爲簡要足貴視  
世俗蕪濫者原爲傑出然於古今世變政典興革民生吏治  
利病得失之源均形疏略爲政者將奚賴焉近世若李氏綬  
臨川志錢氏大昕鄞志李氏兆洛鳳臺縣志並主詳贍蓋以

宣平縣志卷之三  
一邑所施行必徵乎方志故必擇精語詳不容有所偏廢也  
況邑經兵燹以後往籍罕存其所關夫獻典爲重鑒者諒之  
志以補史之遺一邑之大經大法炤耀人耳目者固所熟知  
卽如僻壤鄉區人跡所罕經者烈女義夫臨難致命者是全  
賴夫有道之士爲之闡揚是則採訪之責也刻苛者非冒濫  
者亦非故志中忠節一門未敢輕爲去予爰就採訪諸君子  
詳加檢校俾公是公非不致囿於己見而貞魂毅魄亦當靡  
所怨尤矣

金石爲地志最要無如劫火頻經蒐求不易且係官書迫於  
時日謹就碑碣可鉤攷者列入於所不知概從闕然



藝文非著述成家專名集稿敘載其餘蕪辭冗文概從刪除  
卽有關風教之作俱準班表註釋例附於列傳古蹟之下



富平縣志稿卷一

疆域

耀州南城外卽富平地按耀人喬大夫世益云聞父老言  
明初時令守令自畫疆域時州守先往西北西北皆高山  
林木會山中人縱獵久之始返比歸則富平疆域定矣故  
富平地獨廣又獨膏沃州域惟西北隅耳地又多山谿寡  
收故覽圖籍則四之一較物力則什一也嘉靖癸巳布政  
使張原明奏分富平籍十里入耀事下戶部議如布政使  
言執政者怒布政使不先關白事竟寢而富平孫太保丕  
揚乃云嘉靖閒直指使者梁一魁疏富平當耀州南境近

府而遠州宜直隸西安便耀守江從春不悅參政趙希夔  
信之議奪洪孫永浮四里以予州仍隸焉都御史傅鳳翔  
不可竟不能奪參政議調停之令四里者力役屬耀州版  
籍猶富平梁之建議初爲省民渭南諸縣皆隸府富平獨  
中阻之而困若此云云

### 形勝

夫郡之邑有形勝豈取於游觀哉易曰地險山川丘陵也  
史稱秦四塞之國被山帶河東有關河西有漢中南有巴  
蜀北有代馬此天府也可以知形勝之說矣富平石溫周  
匝荆浮翼衛南限沮漆北倚頻山羣峰險峻環繞如城郭

辟之於人腹背手足之執完而水陸之險備矣其中原隰襟帶憑原阻河傳曰諸侯守在四境以一邑計之有地數十萬頃丁男十餘萬人棊布星羅無事則耕鑿自資有事則荷戈環甲以壁於四郊又有主客勞逸之殊據險以圖擇利而進設有犯者以我丁壯擊之可使片甲不還地利不如人和有以哉彼諸所稱佳山水以爲名勝者是游觀之具非形勝之謂也已志於山川部中矣

圖經

郡縣志於目錄家首重地理地理志之本也然治地理者必先輿圖周官土訓掌道地圖職方氏掌邦國都鄙之圖

大司徒以地圖周知九州地輿廣輪之數圖之爲用視書  
尤切故地志多稱圖經一稱圖志第古法失傳晉裴秀作  
禹貢圖剏分率準望法得其遺意今亦無存

國初胡渭禹貢錐指顧祖禹作方輿輯要其爲圖并計里開  
方深契古法而胡氏於虛空鳥道之說尤獨得心解今師  
其意畫方計里繪總圖一四鄉各一其歷代沿革離析合  
併之由則爲表以明之至星土職於保章氏凡有分土皆  
有分星鄭康成謂古數書久亡漢晉以來郡國入度皆後  
世堪輿說耳且經星盡乎天度而中國不盡地球以地球  
一隅之中國配周天之經星理不可曉僧一行謂精氣相

屬不繫方隅殆亦強爲調解武功志不紀星野以邑統於郡更無庸贅也茲以相沿旣久約著崖畧附入地理中仍照熱河志例刵立晷度之目晷以測景度以測極景有長短極有高低凡縣境日出日入早晚及節氣時刻分秒皆按度星表而出之蓋自唐宋迄今而法加密矣圖經見於鄭樵通志略者此郡邑志本稱圖經圖志之舊例也第古書亡佚不傳又必明於勾股測星測景指南準表諸儀器其成圖也特精秦漢以降古法尠有知者

國朝康熙中

聖祖仁皇帝遣官乘傳詣各部周歷詳詢精繪二圖鑄以銅板

上系天度毫髮符合乾隆乙亥平定準噶爾部遣疇人分  
道測量暑度占候節氣詳勘山川險易道里遠近繪成輿  
圖己卯平定西疆拓地二萬餘里復遣官察視備會城圖  
逮嘉慶中續修會典於是宙合之內了然如指諸掌矣

里鎮

富平一邑合古懷德鼎州裕州中華郡通川郡美原土門  
頻陽併爲一縣故地勢較廣域內石川溫泉潑帶土潤而  
腴若北面羣峰環峙地土高燥物產亦稀至山川奚若溝  
渠奚若城池奚若疆域里鎮又奚若均載輿圖使人一觀  
瞭然就其地里人民編爲四十四里今共併爲四十里按



里輪應官差有條不紊是以行之又久云

沿革

富平於周秦爲頻陽縣西漢又置懷德縣屬左內史東漢省懷德入頻陽屬左馮翊晉改懷德爲富平爲北地郡頻陽仍屬馮翊苻秦於頻陽置土門護軍南北改富平爲中華郡隋隸雍州唐析富平爲美原縣二縣俱屬宜州又徙富平於義亭隸雍州改美原爲鼎州又改爲裕州隸耀州我

朝則降耀州爲散州與富平縣均屬西安府矣

山川

若夫畫井分疆王者所以域民周禮職方所掌卽地志之權輿又有山師川師及司險之官大約山國重險隘水國重津梁古今一致今志疆域並攷山川方向隨其脈絡遠近而條貫之志山用山海經體志水用水經注體所謂修古不忘其初也紀富平之山川者在禹貢曰荆山曰漆沮而止彼雍州則九州之一也僅黑水西河耳今邑者於天下幾於千百之一耳今志富平者書天下千百之一之山川乃累數十紙而未終且慮有閒缺曷故哉秦以後天下之地一統於京師制其貢賦而責其數故一毛一鱗之所產亦必稽於土登於版與壤畝等也而不敢以謾故紀山

川不敢略也且分山支必尋水脈禹貢導山以河渭江漢  
南北爲四支今以水脈而分山之向背櫛比鱗次富平近  
在渭北亦猶行古之道歟

### 古蹟

古莫古於天地其次則山川然必於人徵之有蹟可尋有  
事可徵乃因蹟以致古也名山盛地非人不傳偉蹟嘉謨  
非事不著故天之生材必因其地而豪傑奇特之士亦必  
因其地而顯傳曰十室必有忠信况百里之封傑士亦必  
粲然可數今以蹟視古人後之人亦將視今之人與蹟而  
爲古耶要之蹟存則人存人仍當自問足爲千古否耳



宸翰紀

順治十三年四月二十日

皇帝遣陝西布政司堂上官孫建宗諭致故福建仙遊縣知縣今  
贈福建按察司陳有虞之靈曰烈士成仁齋志而歿忠臣報  
國捐軀以從爾陳有虞矢志忠貞服官敬慎值逆賊之起變  
勵臣節以彌堅臨難致身良足嘉也特頒祭葬用慰幽魂爾  
如有知尙其歆此



地理志

頻陽片土割自雍州畫疆定域敷政置郵治亂因時  
山川不改瀏覽地形金湯陸海鉤攷圖經稽循度軌  
陳蹟足述爰志地理

疆域

富平縣治在西安府東北一百二十里境廣八十五里袤八  
十里東至莊子鎮蒲城縣界四十里至蒲城縣治九十里西  
至覓子鎮三原縣界四十里至三原縣治六十里南至長收  
原臨潼縣界二十里至臨潼縣治九十里北至底店鎮同官  
縣界六十里至同官縣治一百二十里東南至關山里蒲富

臨渭四縣界四十里西南至瓦窰頭三原縣界三十里東北

至六井村蒲城縣界九十里

舊稱東北至蒲城界四十里按富平東至莊子鎮蒲城界四十

里東北九十里抵六井村始盡其境舊說實指莊子鎮而言

西北至岔口耀州界五十里

至耀州治六十里東北至京師二千六百里西南至西安府一百二十里編戶四十里廣八十五里袤八十里周圍三百三十里

形勝

富平全境負頻面荆浮山鳳凰翼其左右襟帶石温潞河沮漆四塞中地厥土黃壤周覽形勢勝甲關輔故漢書云頻陽北當上郡西河爲數郡輳張浚以五路之師敗於永興宋終




不振張良弼輕棄窰橋徐達經略關中定爲縣治稱爲葭爾  
奧區誠不誣也

# 疆域圖



官... 界... 先...



東北鄉



東北鄉

嶺中



山眼龍



山店底



界官同

鎮店底



鎮家洋

山兜金



村曹



曲沅



山浮



原洋即



東南鄉

劉集鎮



公原

油泊灘

施家鎮



張橋鎮



魏孝文陵



留鎮



斷原



王茶鎮



北虜原  
定國寺



實村

道側

田園

後書本



東南鄉

西南鄉





萬戶地

趙氏河

西北鄉

益傾峪



石窩山 左眼山 老君山



高陽五龍山 邑山



紫金山



虎頭山



檀山



天乳山



龍泉山



威陵



卷之六

土門山



錦屏山



漆

淇

石川河



沿革圖


土門  
美原  
故址

頻陽  
故址

通川  
故址

義亭  
故址





山川圖

萬斛山

石疊山

金粟山

玉鏡山

大水峪

頻山

龍眼山

底店山

石窩山

左眼山

金甕山

黃金埕

浮原

北鹵原

明水灘

軍寨泉

白鳥泉

公原

中華

善長原

羊蹄原


宣平縣志卷一




溝渠圖

薛家渠

李家渠







沮

漆

湖泉

潭泉

溫泉

- 官渠
- 文昌渠
- 實為渠
- 通鎮渠
- 東水濟渠
- 永銀渠
- 永豐渠
- 唐澤渠
- 永長渠
- 溢水渠
- 石水渠
- 十年渠
- 濟水渠
- 廣愛渠
- 長澤渠

三尺嶺圖




烏泥川河


冠峯

老嶽

水谷



城池圖



寶村

東嶽廟

富  
有  
倉

考  
院

城隍  
廟

鐘  
樓

文  
席

儒  
學

縣  
官

龍王  
席

文  
昌

官



連城

楊公講學處



西岳廟


開帝廟

關南

金城堡

美原圖





蘭山里

党林里

龍門里

姜田里

安仁里

溝村里

薛家鎮

頻陽里

底店鎮

曹村

平泉里

善凝里

招賢里

雷村

齊村里

蓋村里

莊鎮

新義里

義鄰里

賢到鎮

開善里

王寮鎮

張北里

平安里

孝義里

留古鎮


集留

大安里

高堂里

安定里

琴家里







沮

漆

通關里

懷德里

義門里

懷城里

孫姜里

莊里鎮

溫泉里

橫水里

石川河

里村

永潤里

浮澤里

里廂廓

治縣

里龍盤

里川石

河氏趙

淡村鎮

里城義

鎮村都

里鎮

**蓋村里** 統蓋村中惠村田村任張村河子頭泮村獨塚村趙村

**黨村里** 統黨林村萬家村篤祐村暢家村斜里村

**道賢里** 統道賢鎮東西仁義坊莊子鎮坡頭村南北荆家村  
由禮村大惠村將軍堡界首村

**頻陽里** 統古城村美原西關南泮村城西村磐石村修武村  
籠張村

**溝村里** 統溝村宏化村大田村小惠村劉村

**安仁里** 統兩門村劍門村尹家村南斜里孟家莊

**盤龍里**統盤龍原董家村郭家村交口村毛家灣高里村康家洞淡村鎮徐伍村老虎溝坡峪鋪曹溝

**閻村里**統閻村魏村縣北關舊縣村和西坊下廟村平觀村上官村南陽村定國寺褚家莊軍寨

**懷城里**統懷陽城澗裏村楊村小楊村阜角村董家莊西齊村三里村小邱村南坡梁家村

**孫姜里**統孫姜灣陵懷村候家山張家河唐家河楊家斜

**永潤里**統莊里鎮南吳村西磴頭索村南北韓堡蕭郭村樹連坊灣渡村科子頭南社木節口

**溫泉里**統故溫泉鎮神下村齊堡村梁村聖佛寺金城堡縣

南關竇村焦村

**洪水里**統洪水鋪汉口白馬村赤土坡陵李溝朱家灣車家村

**義鄰里**統王登鎮南董村納衣坊齊梁村五塚村興戶村孫村

**安平里**統安平村槐園村南曹村管村故縣村田村何家莊南崔家村

**開善里**統開善坊鹵泊灘橫原村張市村高廟村高村南北武村鐵里村施家鎮平里村老虎溝東豹子溝

**張北里**統故張北鎮惠村阿彌村長鹵村東西馬村紫結村

**鞏家里**統鞏家莊王旦村姚村斷原阜角村元梁村牙村水鋪村南北里村馬村元村庵頭村

**高堂里**統高堂村雙廟村南竇村古牛村賀蘭觀寨上下村鷓子村里端村萊公河

**大安里**統大安村張橋鎮馬王家村張橋西村箔頭村鐵門村甘井村

**孝義里**統孝義坊留古鎮大里鋪豹子溝皇甫村草坊頭呂當村留集鎮勝光莊八公寺小田村南趙村

**安定里**統故華陽鎮華原頭念家村里端東村可村坡頭村三里村大塚村

**石川里** 統古城村卧龍村大小牛村謝村教場村東西渠村  
鑄鼎村呂村劉招村

**齊村里** 統齊村董村南坡村仇村南北陵上村王古村小賈  
村

**平皋里** 統大賈村大陽村澗頭村溲沱里鄒村大包村尙書  
村曹村鎮漫張村廣坊

**懷德里** 統強村後坡村由家莊石羊村魚家溝樊家莊橋頭  
店屯裏村齊樂坡北澗頭上下宮裏村圪塔村

**新義里** 統新義村由店村惠店車固村北川胡家村

**善凝里** 統善凝坊臧村淡村堰村梅家莊大岡村

順化里 統化成村張村韓家村盤龍村底店鎮草灘康莊吳邱村

義門里 統故義門鎮橋頭溝洪坡村吳村方井村元陵店温家渟沱石窠村

招賢里 統招賢村西魏村土橋村吉村陵前村底店西村

通關里 統通關鎮雷村鎮郭家澇池野狐坡

流曲里 統流曲鎮東李村西李村丈八村前口村簸掌村昌疑村澗郭村尙義村

薛家里 統薛家鎮土門坊勾龍村殿下村峪內馬王村大寨村湘子廟村臨峪村

龍門里 統龍門村雷北坊紅崖村小村利惠村

蘭山里 統蘭山村吳古村河繞村磨子村南昌村觀化村新

店村石坡峪

美田里 統美原鎮沐惠村陽皋村周家莊亭子口千口村五

吉坊黃村吳村陳家莊馬家莊蔡原頭水都村十八坊

義城里 統都村鎮南丈八村堡裏村忽周村

廓廂里 在縣城郭

浮澤里 統覓子鎮南北西閭村姚一坊上官村官莊里鐵佛

寺桶楊堡南張村莫家河李家河

晷度圖



陝省京師偏西暨北極出地經緯各若干度咸豐四年西安節署遵仿


皇輿志繪刻成圖按布諸郡邑罔有僭差計平地二百五十里爲一度度六十分分六十秒富平距省一百三十五里位東北經幾度緯幾度凡幾分幾秒推而演之並縣境一方一隅莫不上應圓象焉節候遲早視經度日出入晝夜永短視緯度計里算差洵志地之權輿而所以利民用者亦較然著矣

測時法

謂量天尺定時刻論日永日短等事

# 量天尺景之圖

正 面      背 面



陝西富平縣緯度圖

以上測量太陽距地度數並日景長短里差



中綫偏西七度二十一  
分計一千二百零七  
一取正午之景須在正  
南然天上正南非羅  
所指之南須於羅或正  
午之西稍偏取之或日  
丙午之間縫鍼與景  
合亦非也蓋鍼所指在  
在不非同如金陵則偏  
度此非正方案則不能  
定或以歷書法用北極  
附近星取之

凡測景有二法一用直表取平地之景一用橫表取壁上之

景

名曰  
倒景

二者皆勾股形古人用八尺表取景只用直表立表

須正取景之地須平又須正對子午按用直表當以太陽半  
徑加高度取直景若橫表即當以太陽半徑減高度而取倒  
影最精之理立表八尺折算則以尺爲寸以寸爲分分爲釐  
皆折取十分之一表景皆以各直省城內爲準附近二百里  
內外可用其餘州縣各各不同須以彼處北極出地高度定  
之立表須直不得稍偏於東南西北則景爲之變須以綫垂  
而準之古所謂八綫臬是也植表取景之地須極平如砥若  
微有高下陂陀坑坎坳垤則景不應矣當以水準之量表量  
景之尺度須極勻細

沿革表

國朝

富平縣

屬西安府乾隆元年

題定爲繁難疲兼三調缺

虞

雍州地

夏

商

周

畿內地

東遷後屬秦置頻陽縣

按秦厲共公二十二年初縣頻陽以縣在頻

山南故名今縣東北五十五里有頻陽故城

卽其地

秦

頻陽縣

西漢

頻陽縣  
懷德縣

卽厲共公所置始皇兼并後屬秦內史

項羽入關分秦地王三降將頻陽屬塞漢高  
時隸河上郡更於頻陽縣南置懷德縣俱屬  
內史景帝分二縣俱屬左內史武帝更左右  
史爲三輔屬左輔新莽時屬列尉大夫

按懷德故城卽懷陽城在今縣西北十里卽  
晉移富平縣治也寰宇記云在富平縣西南  
十里蓋指昔徙縣之義亭言之禹貢雖指不  
知明初富平已徙今治仍誤指懷德故城爲  
在今縣西南又謂非漢懷德縣地而不指漢

縣在何方今按西漢置縣之後東漢省入頻陽則所置之縣卽屬故城至晉徙富平治之似不當有異地也

東漢

頻陽縣

省懷德入頻陽仍屬左馮翊

蜀

魏

頻陽縣

屬左馮翊

晉

富平縣  
頻陽縣

富平隸北郡部頻陽仍屬左馮翊

按西漢地理志富平隸北地郡縣有北部渾懷二都尉分治神泉渾懷二障地在靈州同樂縣界東漢時自同樂徙治彭原縣界至晉始於彭原界徙置今縣西北十里許懷德故

城

南北朝

富平縣  
土門縣

苻秦於頻陽置土門護軍魏太武太平真君

八年罷土門護軍以其地入同官徙北地郡

於泥陽之通川

通川在縣東北三十里今流曲地

復以泥陽

入富平宣武景明元年析同官置土門罷頻

陽西魏文帝大統五年自懷德徙富平於今

縣西南三里石川河之陽石婆婆原廢帝三

年以富平隸宜

州今耀州

後周閔帝二年於縣

置中華郡

石中華原石故名

領富平武帝建德四年

罷中華郡以富平隸馮翊



隋

富平縣  
土門縣

文帝開皇三年隸雍州煬帝大業二年省土門入華原屬京兆郡義寧二年復析華原置土門縣隸宜郡

唐

富平縣  
美原縣

武德初置富平道驃騎車騎領之旋改立戈軍貞觀十七年罷土門咸亨二年析富平華原尋于土門故址築美原縣天授元年隸宜州大足元年隸雍州開元中徙治義亭城即舊縣屬關內京兆府貞元四年改赤縣旋陞州天祐二年李茂貞據鳳翔析美原為鼎州隸耀州貞明元年改裕州隸崇州

五代

富平縣  
美原縣

梁復美原屬雍州改鼎州為裕州唐自雍州

移富平屬耀州以美原屬同州已屬耀州晉

漢周因之

宋

富平縣  
美原縣

元祐三年併富平美原同屬永興路京兆府

耀州

金

美原縣

皇統二年省富平入美原隸耀州天會九年

賜齊天眷元年歸宋三年復取之

元

富平縣

復富平與美原仍屬耀州至元元年以美原

入富平

按元末守將張良弼

即張思道

屯兵審橋寨依邱

陵爲城卽今治所

明

富平縣

洪武二年屬耀州萬曆年改隸西安府

按明兵於元末圍攻張良弼不能下至徐達  
經略關中弼遁去達卽以窰橋寨爲縣治之  
屬耀州遂廢唐所徙縣嘉靖中直指梁一魁  
疏稱富平近府遠州宜隸西安參政趙希夔  
議以橫孫永浮四里予州仍隸焉都御史傅  
鳳翔不可參議復調停令四里力役屬州版  
籍屬縣民苦奔命萬曆中邑人孫豕宰丕揚  
率士民白巡撫崔應麟奏改隸西安府至崇

禎時復議割四里屬州邑解元劉士龍倡眾  
白道院寢其事十六年闖寇僞令耿日霽竊  
據順治二年 本朝定之爲縣

上古之世富平之地屬雍州其詳莫可紀禹貢導沂及岐至  
於荆山今所謂北條荆山在縣南境則固雍北域也迨有周  
則邦畿千里內平王東遷秦襄公兵送割地賜之東至迤山  
卽今坡峪諺言瓦窰頭山厥後日盛至厲共公二十一年置  
縣類水陽曰類陽遂屬秦矣始皇併以天下設內史以領之  
項羽入關王秦三降將地屬塞漢高帝隸地河上郡尋復內  
史並析置懷德縣屬焉景帝分內史爲左右武帝更爲三輔

頻懷皆屬左東漢省懷德入頻陽仍屬之至晉卽懷德故城  
移北地郡之富平與頻陽並治縣名始此苻秦以頻山有二  
土闕置土門護軍北魏罷之以其地入同官徙北地郡於泥  
陽東南通川以泥陽入富平屬之景明初罷頻陽復析同官  
置土門縣亦屬之西魏大統閒徙富平於今縣西南石川河  
之陽旋隸宜州北周閔帝於縣置中華郡領之建德閒罷郡  
隸馮翊隋初隸雍州大業二年改州爲京兆郡省土門入華  
原與富平並屬之義甯二年復置土門隸宜州卽今宜君縣  
唐初置富平道驃騎車騎領之貞觀閒罷土門咸亨初復析  
富平華原於土門故址置美原縣皆隸於州天授則宜州大

足則雍州開元中徙富平治義亭城屬關內京兆府天祐二  
年李茂貞據鳳翔旋改美原置鼎州五代梁改裕州後唐以  
富平屬耀州美原屬同州己並屬耀州宋升耀州爲感義軍  
又改感德旋復則屬之同隸永興軍路金省富平入美原隸  
陝西京兆府路元復富平改耀州爲輝州屬之隸陝西奉元  
路至元元年以美原入之元末守將張良弼自義亭移窰橋  
頭築寨據險明洪武二年徐達經略關中弼遁因爲縣卽今  
治城也改奉元路爲西安府復耀州屬之嘉靖間直指梁一  
魁以縣當州南宜逕隸府參政趙希夔不可翻割橫孫永浮  
四里任州役萬曆中恭介孫公丕揚率民白當事不州屬

國朝因之

山川

縣北山三條西北最高者第一條錦屏山也一云將軍山以巔有王翦廟在折而東南十里爲蟠桃山上有三泉取汲旅者名曰滿井又折而東北三里爲老君山南有鐵牛洞山麓百泉出焉又折而北三里爲左眼山山之右有老君洞爲老君修煉處東二里爲石窩山山北深處爲盆傾峪內有車輞窰廣十丈許又折而西一里有牛窰可容百夫其東山有仙人洞據險難近蓋皆宋元避兵所也又東二里爲底店山一名立地山下有三泉峪由峪而北爲中嶺其下泉出流止一

里以供山內外汲者又東五里爲龍眼山山石圓者狀如二  
目下爲藥泉峪峪內多藥餌諸品又東三里爲頻山一名明  
月山山南麓建頻山神廟有泉在焉四方禱旱者必往其地  
中高一阜僅數畝許九山環抱若拱向然固山中一佳景也  
山西北麓一小山陡出名堡子山世傳尙書張鷟菴避兵其  
山北麓爲千尺崖壁立百仞中險處鳥道可通有一隙地東  
西五丈南北當東西什一避世者地也下有千尺泉山東麓  
名趙老峪以山巔有趙姓者僧天順時修煉其上故云峪北  
深處十里爲高石崖又北爲十二盤嶺東北五里爲三尺嶺  
北麓爲潼河高石崖下有苻堅插劍跡走馬蹄西爲清水峪



東爲車輻峪西北爲寇萊公河有寇姓者居傳爲萊公後東  
北爲峪頭河皆有泉湧卽頻水也水微甚出山不一二里卽  
渴不行山前爲通川一名錦川卽流曲大川爲方百里秦王  
翦美田千頃之地峪之東爲玉境山一名金絲山兩旁山峪  
狀如兩門蓋古土門山山巔之陽鑿其半東西二百步南北  
半之世傳秦苻堅作離宮處山之北迤邐而上至於巔爲揣  
天山山之西一里爲星宿坡石石有跡如星日然山之東卽  
小水峪其西崖有洞風自孔出又云風洞峪之東岸卽金粟  
山以粟如金一名紫金山一名菩薩山上有龍泉望之淵然  
清明春祈者取其水以禱大有又山巔有高媒祠歲六月禱

者輒應蓋山之靈異故然祠右有石洞爲禪僧者蟬脫所巡  
山而東皆峻嶒難登陟中有劉仙洞洞額題曰碧雲島其最  
東爲石疊山一名樓子山山之腹削崖若臺可登眺亦北山  
勝地也山東足爲大水峪峪東爲萬斛山以其石如斛者萬  
數遵山西麓而北二十里爲熨斗坪之西南五里爲第伍家  
窰子孫世居有第伍倫像在又北十里爲岳山山之左右二  
泉湧焉未至大水峪口一里而渴山之東麓爲石坡峪入蒲  
城界

西北山第二條麓鄰漆水爲土門山一云岔口東山折而東  
北十里爲紫金山一云虎頭山東山峪三里有三條溝溝之

中山爲邑山諺曰北山寺也其形如椅寺後有目蓮和尚塔  
秦永壽王記之東五里爲五龍山山陰五泉合流爲小河水  
不出山出山歲旱山居者皆仰汲又東十五里爲月窟山山  
巔右有泉不竭亦不溢深數仞旱禱必應萬曆癸未秋衲子  
夜田聞空中絲竹聲漸暹泉所近視之則無也其顯異蓋如  
此南三十步有王石洞世傳王僊頤養處右玉女洞左僊人  
洞深不測金甕山一名虎山狀如虎踞

西北山第三條爲邑子山以北有邑山此山小若子然東一  
里爲高陽峯一名走馬嶺東一里爲檀山又折而北爲天乳  
山以狀如二乳又折而東南一里爲龍泉山一名鳳凰山又

富平縣志卷一  
折而東北爲黃金塏卽通關以西雷村以東山也山之東爲黃金阜卽土山頓起者

環縣四面皆邱陵也西北自岔口東巡漆沮而南爲檀山西麓南十里分而爲二北一派由溫泉而東至於縣治爲中山山下有萬泉湧出漢武帝獲寶鼎於汾陰鼎至中山氤氳有黃氣蓋卽此其南一派由樹連坊而南經縣治南名強梁原西魏富平縣處原之南高者爲荆山卽禹貢掘陵原也原西北渡漆沮而西爲盤龍原由盤龍而東北自波頭村起巡流曲鎮南而西至山最西處曰孤塏神廟爲浮山山之南面東十里爲張浚戰處卽北鹵原其下爲北鹵川今之軍寨也又

東自定國寺而起歷畱集鎮入公原卽入公埏至明水灘南原爲中華原巔有華原頭南有華陽鎮又由賀蘭觀起東至於高堂村爲羊蹄原狀如羊蹄故名

縣水最大者莫如漆沮自岔口旣從總名爲石川河從縣西境而南至盤龍原金定河入一名趙氏河卽耀言澗谷河之下流也折而東注歷荆山陰自斷原口而南溫泉河入水之次者卽溫泉河泉源在中山麓星布湧焉水冬不冰西北十里有澗頭泉由懷陽城而西澤多泉入曰薄臺河南入溫泉遂爲溫泉河至縣北北泉入又至竇村豐泉入諺言稻地泉也今澗又東至南陽村北鹵川泉入卽軍寨西泉又至安頭

之南入石川河縣水之小者東十里爲鹹泉近味甘可飲非復曩時鹹又東十里爲白馬泉卽陰村右泉東流至張北里東南龍泉入合而東流五里爲鹵泊灘卽明水灘一曰東灘冬夏不竭可以煮鹽又西二十里爲臧村灘歲旱時土亦可煎卽西灘地也

附山川攷

荆山在縣西南十里懷德故城南禹貢導汧及岐至於荆山所謂北條之荆山是也漢書地理志懷德縣禹貢北條荆山在南下有強梁原括地志荆山今名掘陵原史記封禪書黃帝鑄鼎於荆山下帝王世紀禹鑄鼎於荆山下皆指此

按禹貢錐指周勃從定三秦賜食邑懷德尋置懷德縣帝  
王世紀禹鑄鼎荆山在馮翊懷德之南今其下有荆渠水  
經注渭水之北沙苑之南卽懷德縣故址地理志荆渠卽  
大禹鑄鼎處水經注沮水東南歷土門南原下東經懷德  
城南城在北原上又澤泉水東經懷德城北東南鄭渠合  
沮水寰宇記懷德故城在今富平縣西南十一里非漢懷  
德縣也蓋後漢末及三國時因漢舊名於此立縣今有廢  
城存隋志云富平縣有荆山元和志云在富平縣西南二  
十五里長安志云在縣西南二十里山下有荆渠近渠卽  
疆梁原也二懷德城未知孰爲西漢之舊縣禹貢錐指援

據諸說謂荆山當在朝邑而一統志又云懷德故城在今

同州朝邑界然漢志懷德有荆山諸書皆謂山在富平恐

古人相沿訛誤今荆山實在富平邑人韓文有荆山記荆

吾鄉望西山而指為日月之所入也在涇北東二十餘里

濁浴河發源甚微若斧鑿狀直橫破而南山之陽約有五

七十泉灌池陽田千頃近居多富節義文章則前輩葵心

王先生千古矣七十里至坡峪即迤山周割地於秦之界

為行人跡踏斷五丈許自此皆名原蓋池陽改三原此其

一也道東絕頂有法華寺水清樹茂遊人間客寄棲其上

東二里則倉文寺為黃巢作亂之始祖師法身尚在正月

望婦女禱病炙栢嘗取骨祀之高閣起山門可卧看長安

北里許有深潭幽靜絕非人間去村遠徑容足一二閒遊

者往還焉有水甚甘烹茶有異香山僧提瓦器供茗飲者

去之予王午閒居是寺坐草枕流凡三年再一里則崑崙

山古廟森嚴僧道各一不識為何方人山名不知起自何

代乃得擅河源之富東則為荆山地長十五里橫十里攻

之帝王世紀及邑志則大禹鑄鼎處又名掘陵原以唐末



陵多掘去知者唯指爲荆山知非黃帝鑄鼎嗟峨之荆山也漢以放象再讀唐詩因知草深林密吾家有屋梁自祖父相傳爲山上木又按少陵有渭北春天樹之句可據也而今多墾田予再居羅漢洞讀書有僧掘地得石碣尺許書至元元年開田百畝此蓋自元時已然山之中則有唐高祖陵人咸呼沙豕多古碑土人苦爲累或毀或埋地中旁爲長安古道惟一親王古碑文尙在右爲唐小王陵無記惟石馬人環列暮夜人行聞悲鳴聲前峯民堡爲馬踏人擊不可居六月四日事疑有遺恨左八角豕則太土皇也其下萬年縣進五里漆沮兩水合而突駛竟過投渭前後左右遂無旁支所稱斷原者是也吾家居山北岸有城山在襟帶閒嘗遊其上周秦漢唐風景依然南則秦嶺雲道華嶽天亭涇渭照其面西則太白雪陰終南仙館清灞橫其眉東與北梁山崎險明月崢嶸河洛東其帶從下觀之掛日摩月星辰河漢處其巔荆山受關中之富天下名士四方豪客遊之者少俱向有名處爭富貴地喧囂耳荆山無石不欲違俗激世硬出角骨荆山無花不欲柔面媚人自染脂粉荆山無樓閣不欲上下低昂別生支節荆山多草木正以逢春自榮四時造物不事打點荆山多樵客牧童自有知已不問咸陽宮殿近果何如淡漠閒遠家

常自足有人言華山人易到吾曰鑿壞山靈矣吾以問之  
山山曰雷雲風雨不以吾山之小而向者雨化劉先  
生與吾朝夕友名山著業吾以待子功成行在天下五嶽  
石攜一片來以銘之遂以記○陳覺有荆山鑄鼎篇放勳  
昔在位鴻水正滔天舜舉崇伯子乃奠名山川維禹實大  
智疏濬有後先乘權荆山頂用古洪爐烟山峙渭之北漆  
沮遠其前山明水亦秀鑄鼎辨神姦百靈胥效順夔龍相  
糾纏昔者軒轅帝會鑄此山巔飛龍來接引清虛登上仙  
壽可後天老王母與周旋世遠事茫昧寶鼎恐虛傳禹逢  
陶唐世行水浚原泉佐成勳華盛鑄鼎一昭虔有德不在  
鼎鼎與德俱全荆山仰止處崔嵬億萬年○驅車渭水北  
遙望北山上古樹鬱蒼蒼峰巒峭壘嶂下馬徐攀登絕頂  
殊清曠鑄鼎傳遺宮古坊儼相向我來頻瞻拜厥惟夏德  
王受命於帝廷治水有異狀辛勤十三載狂瀾爲之障功  
成因鑄鼎乃在荆之旁神靈所憑依造化相摩盪韶慶  
九成鳳鳥來飛吭洛書由此錫嶽牧互推讓遂使夏后氏  
三代莫能抗是日天氣清惠風恣和暢華嶽秀嶙峋黃河  
排濁浪微禹吾其魚焉能不快快永言欽發物廟堂存寶  
藏

頻山一名明月山在縣東北七十里秦於山南置頻陽縣頻

水出焉應劭云秦置縣於頻水之陽是也今爲大石小石二

澗水經注頻陽城北有頻山上有漢武帝殿以石架之隋書

地理志華原有頻山元和志美原縣西北十一里有頻山南

麓建頻山神廟禱雨輒應中一阜數里許九山環抱若拱山

西北麓一峯陡出爲堡子山北爲千尺崖壁立百仞鳥道一

隙東西五丈南北當東西什之一下有千尺泉東麓名趙老

峪相傳天順時有趙姓僧棲其上庚信銘竹亭標嶽四面臨

椽有笛聽樹疑竿風生石洞雲出山根霜朝唳鶴秋夜鳴猿

堤梁似堰野路疑村舩橫埭下樹夾津門寧殊華蓋詎識桃

錦屏山在縣西北三十五里上有秦將軍王翦廟又名將軍山其旁爲高陽峯一名走馬嶺在邑子山東一里折而東南十里爲蟠桃山其上有三泉又東北三里爲老君山一名鐵牛山南麓有鐵牛洞泉水出焉附起者爲牡丹山北三里爲左眼山山之右有老君洞又東二里爲石窩山北有益傾峪車鞦窰廣十丈西里許有牛窰可容百夫又東二里爲底店山一名立地山三泉峪在其下北爲中嶺其下出泉流止一里東三里爲龍眼山下有藥泉峪多藥草

土門山在縣西北五十里卽岔口東山折而東北十里爲紫金山一名虎頭山

按通志謂土門卽頻山不知頻山在縣底店中嶺龍眼名山東北岔口係富耀接壤處在縣西北相去百餘里土門非頻山判然矣喬志辨之附錄於後

攷元和志頻山有二土闕狀似門移魏以名縣通志遂以土門山爲頻山云在縣東北七十里而謂舊志指岔口東山爲誤不知元和志特指頻山之形狀言之未嘗明言頻山爲土門山水經注漆沮水厯土門南原下東逕懷德城南以今漆沮河道言之則出耀州境卽由岔口而東經懷德故城南正所謂歷土門南原者是也若謂土門卽頻山則漆沮河安得折而東北逕頻山乎又杜甫詩華原卽耀

州甫經華原故北上土門不見平陸若自華原至頻山則

一望平原安得不復見平陸乎故知通志之誤而土門卽

岔口東山爲確

趙兆麟春日岔口覽勝七律嶺南鸛鵲別封疆歷歷相傳歲月長漆沮流來還被禊

山崖斷處是頻陽峯巒聳翠依天秀桃杏飛紅帶雨香極目登臨情不厭幾同搔首自徜徉。韓文岔口道中七律纔經鸛鵲別宜州水傍川圍石柱流女誦奇書藏洞裏宮懸新磬出山頭堤連月憶江南路樹雜雲連渭北秋浪湧晴巖聲似雨波添漆沮自龍秋

玉鏡山一名金巒山兩傍峪如兩門東爲玉女山又東有小

石谷巔之陽鑿其半東西二百步南北半之世傳苻堅作離

宮於此

邑人路立孔有七律高懸玉鏡兩門間一水盤流十

春誰惜削壁烟雲好自閒亂世林巒秀美怡目曠神邑檢討君臣還有跡居人指點說朝班

李先生因篤常偕江南顧先生炎武山台傳先生山往遊焉

月窟山一統志在縣北四十里山巔有泉不涸亦不溢深數

仞旱禱必應萬厯閒有僧夜聞空中絲竹聲漸逼泉所近視

則無南三十步有王石洞相傳王仙隱處右有玉女洞左有

仙人洞深俱不測東有古蜂洞在懸崖中蜜流如瀑邑人竇祖禹有

雨後遊月窟山重遊月窟山五古二首宿雨放新晴長空雲

似掃月窟時晴嵐登臨須撥草入山石漸大到頂人乍小去

天疑一握脚底踏飛鳥羣峯等兒孫森立仰攜抱搔首思一

問恨不攜謝眺古木俯而揖危崖欲崩倒山花非無名安能

一一了牧樵各忘機鹿鸞馴不擾山深人語稀但聞鳥語好

遊山須到盡如鳩巢樹杪掉臂信所之奇蹤皆探討碧瓦懸

百尺飛樓真縹緲前有讀書龕斲雲自太保謂孫公學女坐

西峯書聲傳父老西北有靈湫祈霖多應禱殘碑半剝蝕字

畫猶能考太華迎爽氣涓流一線遶絕壁餘斧痕五丁何年

造古洞有神蹟可望不可到日落四山黑少焉天光皓遙天

參斗橫舉頭見畢昂因緣宿佛洞深幽以宵木魚連夜擊  
梵音徹雲表書生魂夢清造物忌相攬中宵萬竅號驚我肅  
然悄勢欲拔大木何論折枯藤升沈應有數安用憂如擣風  
定東方白紅日向未杲斷靄障孤村朝煙流清曉蒼茫迷仄  
逕卻忘來時道漁郎莫問津恐誤作蓬島老矣此山中愛此  
月如編濫巾羞周子肯合勒移早歸來不作詩餘歡墜空杳  
○腰輿又甚躡重來訪舊跡驚鷓如故友飛鳥各拍拍孤烟  
一縷青疊嶂四圍碧仄逕即盤回寧須扶筇策石室三尺桐  
幽響鳴磔磔二女不知死束絡豈枯魄古洞神仙窟人閒無  
此宅猛獸亦奇鬼側立千仞石山谷欬且笑怪鳥如驚客自  
覺與岩阿千古似連壁泉石同膏肓疇  
云異代隔此中有佳處無復意原澤

金甕山在月窟山東唐書地理志縣北五十里有金甕山賈

志一名虎山狀如虎踞李樟春日行金甕山七律駘宕春圖

杏花雨牧笛溪橋楊柳風洞裏衣粧迷漢代壁閒樓閣隱壺  
公買山最有移家計雲鎖巖扉信未通○喬履信金甕山七  
律長庚星照古黃圖化作高山氣象殊玉鏡涵光明不定錦  
屏借彩爛如鋪近疑帝鑄燒丹鼎遙憶仙畱注液壺誰範奇



形開大冶應傳  
太乙鼓洪爐

檀山唐書地理志在縣西北二十五里旁爲邑子山以北鄰  
邑山此山小若子然故名

天乳山寰宇記在縣西北二十五里雍大記兩相對類乳形  
金粟山一名紫金山舊志華原磬石出紫金山又名菩薩山  
通志在縣東北九十五里上有龍泉每歲清明人多取其水  
以祈年又謂之靈泉山山之左有碧雲洞

石疊山一名樓子山通志在縣東北山腹削崖若臺可登眺

山之東爲大水峪峪卽萬斛山

楊爵憶昔行贈李石疊七古  
憶昔相別蘭若李而今咫尺

如千里歎我老作園圃人喜君再爲蒼生起我思古人獲我心  
憂國憂民矢念深未說江湖與廊廟惻惻盡是此胸襟何

以報稱有周道知君不愧此懷抱化理從教儉地敷調元應  
得絲綸早昔聞關輔試蕭翁今見中州借寇老拜手天庭出  
帝畿燕街草色映旌旗想像堤邊多楊柳爲君無由折此枝  
到處爭迎舊憲使春雨秋霜遍遠邇吁嗟吾民正倒懸願君  
此去愛  
如子

萬斛山通志在縣東北九十里石如斗斛者數萬又西二十

里爲熨斗坪

孫繼魯斛山歌七古我聞萬斛之山在富平凌雲倚漢自崢嶸俯瞰黃河下底柱遙瞻華嶽參

長庚出雲觸石綫萬載千里秦川成陸海鍾溫毓秀人絕奇  
獨立巉巖對眞宰收拾清風人穴中阜財解慍裨重瞳髦頭  
卻顧伊吾北赤子長懸渤海東補天不用五色石浴日全憑  
一片赤祇求鎮定棟乾坤未與浮沈論堅白淹畱天理忽過  
關孤高無謝首陽山薇生太平且莫採玦今永久當賜環賜  
環非爲重青紫滿眼繁華誠傲屣殿邦直擬太山安大猷共  
濟虞周美虞周濟美竟如何維岳降神海不波象成作樂昭  
明德馨香不盡山之阿○都御史梅守德憶楊斛山五律天  
下奇男子關西老鳳翎孤忠懸日月直氣犯雷霆漢獄傳經  
滿元城睡夢寧陽和不擇地指日到深肩○蘭溪羅欽順贈

楊斛山眼看榮利獨超然家學關西故有傳直擬重陰當晝  
泯肯令喬木受風偏雲開月朗誰能卜義重身輕我自權老  
氣爲君增十倍願言加飯更鑽堅○三原馬理題斛山七絕  
明月山前水帶圍菜花開盡柳花飛山川誰爲增光彩太宰  
莊東有  
繡衣

岳山一統志在萬斛山北三十里左右二泉湧出其東麓爲  
石陂峪接蒲城界

中山方輿紀要在縣西北二十五里下有萬泉湧出由樹連  
坊而南經縣治爲疆梁原卽西魏置富平縣處

揣天山通志在玉鏡山北又西一里爲星宿坡有跡如星日  
故名東爲小水峪西崖有洞風從孔出名風洞

邑山一名椅子山府志在縣西北五十里其形如椅東五里

宣平縣志稿卷一  
五  
爲五龍山山陰五泉合流成小河水不出山出則旱山居者皆仰汲焉

龍泉山一名鳳凰山又名屏風山唐書地理志縣北三十里有龍泉山元和志在縣西北十五里耀州志有五泉湧出

迤山一名瓦窰頭山方輿紀要在縣西南二十五里昔周東遷以岐豐之地賜秦襄公遂有畿內八百里東至迤山是也浮山一名浮原通志在縣東北二十五里世傳洪水時隱見若浮故名

高石崖通志在趙老峪北十里西爲清水峪東爲車輻峪西北爲寇萊公河寇姓居之東北峪頭河皆有泉湧出卽頻水

也

盤龍原一統志云在荆山西北通志云在縣南卽石川河所經也

北虜原在縣東北十里其下爲北虜營今名軍寨宋張浚與金人戰處

中華原一名石婆原一統志在縣南三十里其高處曰華原頭卽後周置中華郡處又由賀蘭觀東至高堂村爲羊蹄原八公塏一名八公原寰宇記在縣東南二十五里府志在縣東南四十里兩畔小谷象八字中有堆象公字因爲名卽賀師範與金人戰處

富平縣志卷一  
黃金塏一統志在縣北二十里卽通關以西雷村以東山也  
東爲黃金阜卽土山之隆起者

萬戶塏一統志在縣西三十里

漆沮水長安志在縣西北四十五里自耀州流入又南入臨  
潼界水經注沮水厯土門南原下又東逕懷德城南又東逕  
漢太上皇陵北東注鄭渠分爲二水其一水東南出卽濁水  
也

按禹貢錐指濁水至三原縣界散絕白渠亦不入富平境  
所恃以漑田者惟石川河水而已

至白渠與澤泉合俗謂之柴水而曰柴沮水

按漆本柒古漆字也澤泉水自鄭渠合沮水又直絕注濁水至白渠合焉故濁水得漆沮之名

絕白渠東逕萬年縣其一水東出卽沮水也東與澤泉合又

循鄭渠東逕當道城南

當道城在潁陽故城南

又東蓮勺縣故城北括

地志云沮水一名石川水源出富平縣東南入櫟陽蓋卽此

與濁水合流者也寰宇記漆沮水亦名石川水西北自華原

界流入由西南至盤龍原澗谷水入之又東流歷荆山之陰

自斷原口而南溫泉河入之方輿紀要云縣南十五里有富

平堰又南五里爲龍門堰皆漆沮之支流也鄭白二渠舊自

涇陽東入注焉

富平縣志卷一  
按古圖無漆沮以漆沮卽昔孔安國尙書傳水經注闕駟  
皆言是也李季卿三墳記石刻亦云沮漆泛濫馮翊昏墊  
是唐人猶存漢人言漆縣有水入渭在今麟遊縣合雍入  
渭詩曰自土沮漆是古但有兩漆水耳水經注洛水下有  
漆水又遁甲開山圖長安西有漆渠俱非禹貢之漆然自  
樂史宋敏求以來所在多漆水矣康海武功志有漆水自  
豳岐閒來其南十二里古川口卽漆渭交合處又有浴水  
亦從豳西梁山來以爲卽沮水訛稱鄭漁仲序地理略謂  
天下如指諸掌而信漆沮由富平入渭之說蓋括地志未  
審豳岐涇渭脈絡所在富平在涇東漆在涇西安有岐梁



之水越涇而東再至富平始入渭也漁仲誤且如此況其餘乎禹貢錐指漆沮水爲洛水酈道元承之於是漆沮與洛合爲一水矣洛水源出定邊至華陰入渭濁流千里詩小雅吉日漆沮之從此漆沮在涇之東卽禹貢之漆沮也由同官耀州而至富平入百川河其水澄清清濁攸分涇渭各別不待辨而自明矣

澤多泉卽澤泉方輿紀要在縣西十三里東流入漆沮河有灌漑之利水涇注澤泉水出沮東澤中與沮水隔原相去十五里俗謂是水爲渠水東流逕薄昭墓南又逕懷德城北東南至鄭渠合沮水長安志澤多泉在永濶鄉溫泉村東入薄

臺川三十里東南入漆沮河溉田

溫泉河一統志在縣西源出中山麓隆冬不冰西北十里爲  
澗頭泉流逕懷德城西澤多泉入之爲薄臺河又流至縣北  
北泉入之又至竇村豐泉入之俗謂之稻地泉又謂之南下  
池前令喬履信於南崖建書院易名南湖泉水時出時涸無  
常又東至南陽村北陸川入之

川在縣東北十里

卽軍寨西壩也又

至安頭之南入石川河

金定河府志在縣西十八里一名趙氏河卽耀州澗谷河之  
下流經盤龍原入石川河

頻水府志在縣東北七十里源出頻山卽大小石谷二澗水

晉書地理志頻陽縣在頻水之陽長安志大石谷澗在縣北十五里小石谷澗在縣北十里又梁邱澗在縣北五十里

按頻水微甚出山不一二里卽涸山前爲通川一名錦川王翦求美田卽其地

鹵泊灘

卽鹽澤

一名東灘一名明水灘在縣東魏書地形志頻

陽縣有鹽池唐書地理志富平縣有鹽池澤元和志鹽池澤在縣東南二十五里周迴二十里今涸

臧村灘在縣東北三十里歲旱其土可煎鹽今東西灘俱涸鹹泉在縣東二十里往時水鹹今味甘可飲

白馬村在縣東二十里卽陰村右泉東流至張北里東南與

龍泉水合焉

聰明泉在龍門村唐賢分詠石碑在焉字多漫滅

禹貢北條荆山攷

禹貢導岍及岐至于荆山逾于河壺口雷首至于太岳

壺口山在

山西吉州西七十里雷首山一名中條山在山西永濟縣東南十五里太岳山在山西岳陽縣北卽霍州之霍山也一名

霍太以所敘山脈觀之是北條荆山之首與岐山接而山脈

迤邐東行荆山之尾東瀕於河茲山之脈固甚長也漢書地

理志左馮翊懷德縣禹貢北條荆山在南下有彊梁原洛水

東南入渭雍州涇鄜道元云渭水又東逕平舒城北

平舒城在華陰

縣西南渭水之陽卽懷德縣故城也城在渭水之北沙苑之

十里也

南沙苑在同州府城南當朝邑縣西南地理志曰禹貢北條荆山在南下有荆

渠卽夏后鑄九鼎處也酈氏之說本於班氏皆爲最古之說

漢懷德縣城在今朝邑縣西南富平縣南十里亦有懷德城乃後漢建安中移置非漢初縣也後漢書郡國

志則謂左馮翊雲陽縣有荆山洪氏亮吉曰漢雲陽縣城在涇化縣西北六十里按雍勝

略以涇陽縣北四十里之嵯峨山爲禹貢北條之荆山其說本後漢書郡國志蓋涇陽之北卽涇化縣境也自隋

書地理志謂富平縣有荆山於是後人注禹貢者皆以北條

荆山專屬於富平蔡氏集傳毛氏禹貢指南孫氏尙書今古文注疏皆云荆山在富平縣惟孔傳云荆

在岐東未言屬何郡縣而蔡氏集傳并云耀州富平縣掘陵原卽北條

荆山蓋以掘陵與彊梁之音相近也然班氏旣系荆山又係

彊梁原則山自爲山原自爲原未可合而爲一又有謂富平

荆山之下有荆渠荆渠即彊梁原者夫渠以注水為窪下之地原係高原則隆然特起以渠代原尤覺未諦况酈道元謂渭水之北沙苑之南懷德縣荆山之下有荆渠并未言荆渠即彊梁原也今以地圖攷之若北條荆山專屬富平既與禹貢逾河之文不甚符合而與班氏洛水東南入渭之語尤相牴牾夫禹貢既言導岍及岐至于荆山逾于河則荆山之尾距河甚近班氏於荆山下云洛水東南入渭則荆山之麓其

去洛水亦不甚遠若專屬富平則懷德之西南此指朝邑西南之懷德而

言尚隔重泉漢縣屬左馮翊故城在今蒲城縣東南五十里頻陽漢縣屬左馮翊故城在今富平縣東

北六二縣班氏何不系荆山於重泉頻陽之下而屬之於朝十里

邑西南之懷德耶且洛河入渭之處距富平甚遠地望亦不相屬方輿紀要云荆山在富平縣南十里又云漢書注懷德縣南有荆山蓋主朝邑之懷德而言今富平西南十五里之懷德城乃後漢建安中因舊名移置非漢初縣也又云朝邑縣西南三十里有懷德城漢縣屬左馮翊又云朝邑縣西南三里有紫陽山蓋九嶷荆山之脈曼衍而東山其岡阜錯列處也又云朝邑縣治南有彊梁原俗謂之朝坂寰宇記引水經注洛水篇郡國志長春宮在彊梁原上逸又云洛水東南歷彊梁原俗謂之朝坂方輿紀要說本此蓋原本廣衍縣治故宮皆據其上漢志懷德縣南有荆山下有彊梁原卽荆山北麓矣汪梅村氏土鐸亦云漢懷德城在

今朝邑西南而西延及富平界故荆山洛水同系之顧汪二氏之說不以荆山專屬富平是為善讀古書者蓋自後漢移懷德於富平攷古者遂以富平之懷德為朝邑西南之懷德於是專系荆山於富平此致誤之由也禹貢於導岍及岐至于荆山之下即繼以逾于河由西而東荆山之脈甚遠不得專屬一縣明矣今參之眾說攷之輿圖竊謂後漢書郡國志雲陽之荆山指荆山之首而言班老懷德之荆山指荆山之尾而言岐山之東為乾州之梁山又東為醴泉之九嶷山又東北為涇化諸山此為荆山之首又東南為涇陽之嵯峨山中山又東為三原之堯門山又東為富平之荆山又東為蒲城之荆山此為荆山之尾又東即近朝邑縣境諸山雖隨地異名而實為荆山一脈而富平之南三原之東臨潼之北蒲城之南



所有諸山皆可統以荆山名之矣故陝西通志云荆原一名

斷原卽荆山脈盡處自三原迤邐而來至富平臨潼二縣之

交爲漆沮水衝斷

漆沮水卽富平之石川河禹貢之漆水也南流入渭禹貢沮水出中部縣西東流入

洛詳見漆沮異同辨中

因名斷原又云荆姚鎮在蒲城縣西南四十里

當亦由荆山得名也今攷李申耆先生輿圖蒲城縣南有一

山卽班老所謂懷德之荆山也此山之東卽爲沙苑地居洛

渭之閒洛河入渭故道卽在其東南其地正當朝邑之西南

班老所謂疆梁原其卽今之沙苑歟

酈道元謂懷德故城在渭水之北沙苑之南是

爲沙苑近懷德之一證

元和郡縣志沙苑在同州南十二里一名沙阜

東西八十里南北三十里同州志云沙苑在州南洛渭之閒

亦名沙海亦名沙澤其中分土起者曰沙阜東跨朝邑西至  
渭南南連華州是沙苑之綿亘固甚廣也寰宇記引水經注  
洛水篇逸又謂朝邑之朝坂即漢志之彊梁原蓋朝坂與沙  
苑雖隔洛河其地脈固相通也得是說而班氏之旨始明與  
禹貢導山之文亦相符合矣若河南閩鄉縣南二十五里之

荆山下有鑄鼎原為軒轅鑄鼎處即阜昌禹迹圖所繪虢州

之荆山也

宋虢州治虢略縣在今河南靈寶縣南

此荆山與雷首山僅隔一河

當為北條荆山之別幹又禹貢云荆河惟豫州孔傳鄭注均

謂豫州西南至荆山此指南條荆山而言

南條荆山在湖北南漳縣西北八十

里非北條之荆山矣

禹貢雅頌漆沮異同辨

禹貢雅頌皆言漆沮其名雖同源流則異有涇水以東之漆沮有澧水以西之漆沮涇東之漆沮禹貢之漆沮也澧西之漆沮雅頌之漆沮也漆沮本二水名前人攷水道者每合二者而爲一以致言人人殊幾於無所折衷今請先言禹貢之

漆沮水經注云濁水至白渠與澤泉合

今名澤多泉在陝西富平縣西北俗

謂之棗水又謂之棗沮水

古人作書以棗爲漆棗與漆同按漆水發源同官縣北南流逕耀州

富平三原高陵縣境至臨潼縣北入於渭是爲禹貢之漆水

又有一沮水發源同官縣西北南流至耀州與漆水合流入

渭此爲沮水之支流非禹貢之沮水也禹貢之沮水詳攷見下

發源中部縣西東流入洛亦謂之東沮水詳攷見下

東逕萬年縣故城北爲櫟陽渠

漢萬年縣屬左馮翊與櫟陽縣同治櫟陽亦屬左馮翊洪

氏亮吉云漢櫟陽縣城在陝西臨潼縣東北七十里其水又南屈更名石川水又西南

逕郭獲城西與白渠枝渠合又南入於渭水按水經注所云

柴水即今發源同官縣北之漆水南流至耀州與沮水合此係

沮水支流非禹貢之沮水又東南流逕富平縣西亦名石川河又南流至

臨潼縣東北至交口鎮入渭此為禹貢漆水之經流又酈道

元云瀘水瀘水之瀘與沮同又東逕蓮勺縣故城漢蓮勺縣屬左馮翊故城在今渭南

北又東逕漢光武故城北又逕粟邑縣故城北漢粟邑屬左馮翊故城當

在今陝西白水縣東南其水又東北流注於洛水按道元所云瀘水即

今白水縣南之白水河一名漆水一名烏泥川東流入洛此

水本首受同官之漆水東流入洛當為漆水之支流而非禹

貢之沮水也請再言禹貢之沮漢書地理志北地郡直路縣

沮水出西東入洛

漢志原本作出東西入洛今以說文攷正之因互易焉

桑欽水經云

瀘水出北地直路縣東過馮翊殺胡縣北東入於洛

漢殺胡縣屬左

馮翊今同官耀州宜君皆漢殺胡縣地

說文云瀘水出北地直路縣西東入於

洛水盧聲側加切

漢直路縣屬北地郡故城在今中部縣西北

漢志之沮水水經

說文之瀘水即今發源中部縣西之沮河東流逕宜君縣北

宜君縣為漢左馮翊殺胡縣地

又東流逕中部縣南入於洛此為禹貢沮水

之經流陝西輿圖所謂東沮水者是也

按李申者輿圖中部縣西之沮水東流入

洛者與同官縣西北之沮水南流會漆水入渭者二水發源之處相距甚近故陝西輿圖於中部沮水特加東字以別之

自孔安國注禹貢闕駟作十三州志顏師古注漢書溝洫志

專以洛水當禹貢之漆沮其實洛水但受沮而未受漆水是爲有沮而無漆程大昌專以石川河當禹貢之漆沮其實石川河爲漆水經流并非沮水經流是爲有漆而無沮且以石川河括漆沮二水則洛水所受之東沮河經流甚遠又將安屬乎蓋孔闞顏程四君皆以漆沮爲一水故其說總未確當今以地脈考之以石泉河當禹貢之漆水以東沮河當禹貢之沮水源流旣清亦與禹貢水道相合經云漆沮旣從蓋言漆沮二水皆從渭而入河也又云又東過漆沮蓋言渭水先過漆水後過沮水皆自西至東言之形勢瞭然此所謂涇東之漆沮爲禹貢之漆沮也

按今同州之洛水在禹貢時僅以沮水名蓋指中部縣西之一源而

言也至文王獻洛西之地說者謂卽同州之洛水自是始有洛水之名其後詩音瞻彼洛矣周禮職方雍州其寢渭洛蓋皆指此洛水而言所謂北洛也自有洛水之名而沮水之名遂隱又導源熊耳山至河南鞏縣入河者謂之南洛與北洛同名而異流

請再言雅頌之漆沮小雅吉日篇漆沮之從周頌潛

之詩猗歟漆沮吉日篇毛傳未言漆沮所在周頌注云漆沮岐周二水也姚氏際恆詩經通論謂吉日為宣王獵於西都之詩漆沮二水正近岐陽然則吉日之漆沮卽周頌之漆沮矣又正義云漆沮自豳

歷岐周以至豐鎬以其薦獻所取不宜遠於京邑攷之毛傳

證以正義則雅頌之漆沮皆在灋水之西非禹貢之漆沮矣

史記周本紀公劉自漆沮渡渭取材用漢書地理志右扶風

漆縣漆水在縣西說文漆水出右扶風杜陽岐山南入渭班

志之漆水卽今邠州西之黑水河東流入涇者也說文之漆

水即今發源麟遊縣西之漆水一名武亭河至武功縣東北會乾

州之漠谷河南入渭水者也漢漆縣屬右扶風故城在今邠州西杜陽縣亦屬右扶風即今

陝西麟遊縣班志杜陽杜水南入渭蓋即說文之漆水今名武亭河者也然則漢志漆縣之漆水

杜陽之杜水說文杜陽之漆水皆雅頌之漆水亦即公劉所

渡之漆沮所謂灃西之漆沮為雅頌之漆沮也惟雅頌漆水

源流諸書備載而沮水源流則無聞焉闕疑可也酈道元漆

水篇云川土奇異今說互出攷之經史各有所據識淺見浮

無以辨之蓋禹貢雅頌所載漆沮水道之源流自酈氏時已

難辨矣今為攷其山川詳其脈絡略為剖判雖不能盡合於

古而涇東之漆沮為禹貢之漆沮灃西之漆沮為雅頌之漆



沮可無疑義矣又酈道元漆水篇注引孔安國書傳曰漆沮  
二水名亦曰洛水出左馮翊北此亦誤以禹貢之漆沮卽雅  
頌之漆沮分晰未明也是不可以不辨禹貢導渭自烏鼠同  
穴東會于澧又東會于涇又東過漆沮入于河東西水道敘  
次井然瞭如指掌若以澧西之漆沮當禹貢之漆沮則過漆

沮之文當在澧水之上安得至涇水之東耶酈注之誤不辨

自明矣又涇水以東別無大河惟石川河及東沮水所入之

洛河

寰宇記云洛水亦曰沮水

二水源流甚遠足以當禹貢之漆沮而渭

水過洛之後

洛卽禹貢之沮水

卽入於河其地相距甚近與禹貢之

文尤協焉

洛水自逕朝邑縣西之朝坂又東自趙渡鎮歷華陰西北蒭盧灘入渭明成化中洛水改流東過鎮

南逕趨於河不復自華陰入渭說見  
禹貢錐指亦攷水道者所當知也

### 古蹟

穆公城在縣南三十里宋敏求長安志云南面西面崇一丈  
五尺東北面無牆

潁陽古城縣東北五十里秦厲公立縣處應邵云在潁水之

陽是也南有王翦宅卽秦賜美田處

路立孔題王將軍廟碑  
七律一首將軍廟貌自

蕭森奕奕層軒出故林碧瓦久飛山雨歇朱甍常卧水雲深  
涼風鐘鼓催秋爽落日松楸入暮陰報祀不知幾歲月人傳  
伏臘盛於今

直市城在縣西南二十五里三輔黃圖云秦文公造物無二

價故名直市

土門故城在明月山下符秦署土門護軍處

後秦姚興離宮遺址在玉鏡山

路立孔有七律一首云高懸玉鏡兩門閒一水盤流十二

灣風洞嶺西明月寺日星坡上揣天山舊宮花草春誰惜  
削筆烟雲好自閒亂世君臣還有迹居人點指說朝班

富平故城西魏時置在石川河陽

通川故城後魏自泥陽徙北地郡於此卽流曲故城

中華郡城在縣西南三里石川河之陽後周閔帝置二石人

卓立卽郡門所在人稱石婆婆原

義亭城通志云唐開元閒徙富平於義亭城卽今舊縣地蓋

古之鄉亭也里曰義林里在富平縣東北十里

懷德故城在縣西北十里卽今懷陽城

富平縣志卷一  
美原故城縣東北六十里魏置土門唐改此

廣武城縣南十五里舊隸頻陽後入富平舊志云今縣南無此地矣耀州志云在富平故城東北十五里鹵原上  
還鄉城漢薄太后戚屬所居見北齊村

曠野原在莊里東南三十里世傳周宣王田獵所

華陽原在縣東南三十里始皇二十三年使李信伐楚敗歸

時王翦謝病家居始皇疾駕入頻陽手以上將印佩翦身授

兵六十萬後三日翦發頻陽始皇降華陽公主簡宮中麗色

百人爲媵北迎翦於途詔卽遇處成婚翦行五十里遇焉列

兵爲城中堅設錦幄行合卺禮信宿公主隨翦入都詔頻陽

別開主第名相遇處爲華陽今名華陽原

曹玉珂有五古荒邨枯樹春平野臨

華渭青草分馬首當時錦幄地將軍嚴北發頻陽搖旌旆前途逢翠華輦車鳴瑤佩圍轂馳紅粧彩映鷹揚隊從官宣天言遇處卽賜配倏忽兵爲城中堅起繡第鐵馬夜不嘶歌吹遏霍霸曉起變鬢絲仙芝錫天妹信宿到青門六宮迎甥壻萬斛主府開阿房共壯麗祖龍雖多疑御府取若寄我歎古達人身無難處世料主復審敵居功安無忌杜郵與上蔡嗜殺識先昧將軍惟謀勝深絕長平事歌凱雲夢同雙鳳鳴噦噦噦迄今邑山祠白髭朱顏儷香烟譏蕭史空嗟弄玉逝華陽人尙見月明鸞鶴至

王侯堡在縣西北四十五里卽王翦屯兵所又莊里鎮有翦別業

雨金堡在縣東南三十里周八百步東有雨金泊史記秦獻公十六年雨金櫟陽其地古櫟陽也

薄臺在溫泉南傳為薄太后臺址又太后園在懷陽城引文

昌渠水環之明季耕者拾玉釵刻大鳳一小鳳九識者謂古

宮粧飾云曹玉珂有文辯之余以兵亂自邑移家溫泉堡南臨溫水對薄臺里人傳云漢薄太后臺也北一里

為華池川珂先府君新阡在川北岸之阜其川三岸中深東

通溫水亦傳為太后蓮花池掘土深三尺皆汗泥或蓮池說

匪誣按薄太后未聞築臺鑿池於此蓋其母靈文侯夫人會

建園於懷德縣南相去不二里太后省母常臨此故誤傳太

后臺池耳太后仁厚每至父老伏道迎送詢其疾苦免其徭

稅崩遐之後父老感念慈建廟以祀子孫世繼香火於今

廟在川東臺北高原墳然突起名曰孤堆四遠人烟溫水環

其下每著靈異祈者云應萬歷末年有僧住持廟無僧室居

於正殿一日昧爽趨下喪氣不能語人疑驚於盜越數日方

潛言於所厚戴介圭曰前夜風雨昏冥忽太后駕至車騎甚

盛旌旂不能名狀炬輝若晝異香繚繞婢侍宦寺外其從官

皆爭猛可畏僧屏息伏榻下從官怒目相視幾至不測問太

后何狀曰願而長年高而肌瘠衣錦繡亦不色鮮坐殿上瞻

顧終南俯几而涕者久之僧信實無誑語介圭每述於余觀

此則漢家舊是笙歌處烟草幾經秋復春之句未必係贊皇代作也

樂視臺在縣西南二十五里世傳漢武帝遊樂其上今廢  
洗馬臺縣東門外今東嶽廟

更衣臺在唐元陵北三里太子祭陵更衣處

王石洞世傳王仙修煉處在月窟山南三十步

五郎洞在檀山寺後洞內有碑五郎唐懿宗第五子

五華洞在荆山北相傳五仙人講道處洞額張三丰題

滿井在蟠桃山有泉

老君洞卽老子修煉處在左眼山

仙人洞在石窠山宋元避兵所

張鷟庵尙書避兵處在堡子山

龍泉在菩薩山春祈者取水以禱歲

高樛祠旁洞菩薩山爲元僧詳悟棲真地遺蛻在焉

劉仙洞在菩薩山洞額題曰碧雲島

目蓮和尚塔在邑山寺後秦永壽王記之

馬跑泉在邑子山

東西女學洞在龍泉山唐杜光庭有記

長安富平縣北定陵後通關鄉入谷二十

餘里有二洞一名東女學一名西女學其東洞崖壁懸絕洞

口在崖面躋攀不及夜往往聞讀書聲西洞約有路可到洞

門近門一石室可容二十人有人秉燭入洞行二十里兩壁

有五門各有題記或通蓬萊及諸仙境近年有石摧下塞洞

口不通又山頂有一天井直下深二丈許有自然橫石旁出

石下天井亦二丈餘可通人過其底旁有崖龕梯磴而上屈



曲甚廣龕內有道經數萬卷置柏木板床上一石人俛首憑案坐形如生井底有投簡委積朽爛不可數大順中富平奉道人姓徐行七會取養生經出外傳寫卻送洞中又行二十餘里有三泉出谷中有石嵌可容三百人谷內有三石盆各廣丈餘湧泉常滿古老云時有仙人浴此人犯之立致雷雹損苗稼東女學有神鵬護洞門人或侵犯鵬輒擊之古某道流刻五石人置山上民有鋤禾者爲鵬所驚走避石人下置笠石人頭上鵬卽擊石人頭殞今見在

公冶長故里在莊里北十五里仰天池下北二十里一云在

耀州孫志云傳疑也

王翦故宅在千口村以家有千口故名

五家窰在熨斗坪西南五里第五倫子孫世居之有第五倫

繪像

三川水杜工部有詩云

我經華原來不復見平陸北上唯土門連天走窮谷火雲無時出飛電常

在自多窮岫雨行淹相懸感翁甸川氣黃羣流會空曲清  
晨望高浪忽爲陰崖踣恐泥窟蛟龍登危聚糜鹿枯查卷拔  
樹礪魄共充塞聲吹鬼神下勢閱人代速不有萬穴歸何以  
尊四瀆及觀泉源漲反懼江海覆漂沙折崖去漱壑松相禿  
乘陵破山門迴幹裂地軸交洛赴洪河及關起信宿應沈數  
州沒如聽萬室哭穢濁殊永清風濤怒猶蓄何時通舟車陰  
氣不駢黷浮生有蕩泊吾道正羈束人寰難容身石壁滑側  
足雲雷屯不已艱險路更踣普天無川梁欲濟願水縮因悲  
中林士未脫眾魚腹舉頭向蒼天安得騎鴻鵠

蔡伯喈莊在十八坊喬志引韓志云邕陳畱人何以居此意  
董卓人關後邕或寓斯

魏徵故里縣西村宗支碑石尙可讀有左右鵝鴨池

寇萊公河寇姓者居此傳係公後曹玉珂有詩云萊公昔濬  
此想見濟人心作相誠爲

楫居鄉復沛霖高原尙有跡水路  
自堪尋誰是繼來者白渠共古今

杜宰相宅在土門東

胡尙書宅在土門東橋子溝與杜宰相宅南北相向名與代俱無攷

蘇尙書宅在宏化坊宅內石獅腹鐫云明昌元年蘇仲蘇千明隆慶初耕者獲銀觴於宅隅銘如獅腹

神芝坊在莊里南以產神芝故名有碑

教場坪在莊里西北五里世傳王翦李光弼李興劉尙王丙等先後講武處

軍寨宋張浚與金人戰處浚爲川陝宣武處置使比入關聞金帥兀朮寇淮西謀牽制之遂決策治兵合五路師復永興

軍金令兀朮由西入援大戰富平之北虜川

田家營縣西廿里張思道屯兵處今因故址築寨田姓居之  
箭頭谷賀師範舊戰場在兩金堡北五里

黃帝鑄鼎處

夏禹王鑄鼎處

中山漢武帝祀鼎處

武帝獲寶鼎於汾陰鼎至中山有黃氣氤氳射鹿祀之有制文

苻堅插劍跡馬蹄跡在千尺崖東十五里石崖下

賀蘭仙跡在賀蘭山並賀蘭關

邑人曹玉珂有文辯之唐昭宗乾寧三年七月鳳翔李茂

貞稱兵犯關都人竄匿禁旅星散上幸鄜欲依克用甫渡渭有兵數千自東馳至時扈衛寡弱遙望皆無人色及見則韓建子從允也持建表請幸華州上不許中官憚遠行趣上召建議且羣言建忠非克用比上命韓宣徽機召建左右實與

從允謀不從則劫矣上至富平建帥兵二萬人跪申表意上  
不得已從之是日即發富平爲七月七日乙未也行東南二  
十里暑甚何后馳烈日中以疾墜鞍上駐野次父老跪進水  
漿泣不能興詔張幄少息建惡之令軍士噪言同州兵臨蓋  
茂貞養子繼塘爲同州刺史時軍聲四起上蒼皇扶  
后上馬而去以何后之難今名何難關舊設有關云

鏡波園康熙閒朱檢討廷璟營造檢討子樹滋與傅徵君山

顧先生炎武暨關中三李游詠其中著述既多藏書亦富迨

經兵燹後遺址僅存門前古槐一株尤然盤曲李太史有鏡

波園宴集詩云溫泉雨色帶林珂別構憑高得建瓴驟出潛  
魚凌水藻旋來啅雀傍風萍滄池並抱雙崖

碧峻閣遙分萬壑青竟日樓  
遲仍卜夜頻然藜火續晨星

隱士莊蓋屋李徵君中孚講學處也在縣城東即軍寨地爲

孟文學孔輿別墅邑令郭君三雲爲建堂室備修舖延徵君

館焉邑太史李因篤有隱士莊擬山堂記

吾聞世之盛也天子以九經治天下

修身而外莫重乎尊賢曰尊則養在其中然而不言養者其說有二古者分井授邑時和歲豐下至編戶之民無一夫不得其所而況俊拔高亮輿論所歸不庸以謀食憂之一也許繇伯成務光之賢唐虞夏商之君皆嘗就而師事焉抑萬乘之貴身先匹夫必其隆以篚筐腆以饗燕而獨不言者義有超乎養之外也二也且夫養者敬之薄也春秋之時邦君競以養士爲名士子去畱國之興替因之下逮戰國諸公子皆爭竭私家之財致士數千而信陵君尤不耻下交所與多巖穴隱者名冠諸侯然上以養賢得名則士之失養於下可知也卽四公子之養賢不可謂不尊也而視古之尊賢而不言養者其義則有間矣故曰養者敬之薄也自茲以還世風寢降然舉其最盛者如漢光武不能屈嚴光唐太宗之於孫思邈宋太宗之於陳搏並待以容禮而不臣此三君豈昧養賢之文哉而究得以尊賢著美彷彿古之帝王焉宋之南渡海內多故程朱大儒先後迭興講學明道及其門人大夫稱慕其賢私相延致築館聚廬以來四方蓋簪之彥此山堂所繇昉也蓋屋李徵君中孚先生起自孤寒獨立不倚孝友忠愛有志聖賢之學顧其家甚貧嘗三旬九食簞瓢屢空晏如

也而篤實之徵光輝莫掩上而臺司以越郡邑之長或單車  
造訪或奉書幣通起居先生一切謝之卒無所受雖鄰翁交  
謫里巷敦論迄不少易當是時先生名震關中而結心知之  
契往來尤密者莫若常州太守前整屋令駱公吾富平邑君  
三雲郭公無何駱遷京秩以去凡先生所與訂衡性命外樹  
宮牆之防而內庀其賓從之須者緊獨吾邑君是賴夫先生  
之爲人不事王侯饑不可得而食寒不可得而衣者而吾邑  
君何以使之厚自託焉豈非忠敬所感處先生以古道而義  
有超於養之外哉蓋吾邑侯勤懇懇所以爲先生計隱居  
者甚周且至不啻先生之自營然先生不知也先生不知故  
受之可安指而美之無辭也既又言之制府三韓鄂公特疏  
薦之先生以疾堅固不應舊歲江漢播氛南山烽羽之嚴比  
邇二曲故開府雁門張公曰徵君可以行矣舍郭富平不足  
辱先生之從者而吾邑君乃肅輿馬修郊勞擁篲下風而先  
生亦旣觀止爰擇邑東軍寨居停文學孟仲子者矜氣誼尚  
然諾新從徵君遊卽其別墅構室以畱先生門與寢各三楹  
高牖閣闕陽暉竟日牀几鮮潔圖史充厥中右序翼然以資  
燕息下至廚傳隸御之屬牆屋咸備邑君時時具公服儀仗  
晨往謁而廩人繼粟庖人繼肉相望於路先生弗聞也夫  
軍寨其地蓋張魏公富平之戰屯兵故處問原野壁壘之基

有存乎者南則荆山峯嶽立而逶迤神禹采九牧之金鑄  
鼎其上遺宮在焉溫泉之水橫流若帶先生雖匡居不出而  
暮春童冠以浴以風得詠歸之所矣顏其莊曰隱士堂曰擬  
山蓋推先生爲山長固未足盡其道然吾邑君猶以事起倉  
卒不敢方宋之山堂故謙而謂之擬也遠近就業者有人問  
字者有人瞻軌範者有人繩繩又又步趨於隱士之莊使千  
百年干戈之址一變而爲俎豆之鄉先生與吾邑君之功詎  
不偉歟莊成弟因篤受簡而記其大略如此或曰記莊及堂  
而不蒙以邑何也曰先生天下士也隱士莊得而有  
之富平不得而私之庶幾吾邑君尊賢之本志也夫

戲珠臺在頻山前有小邱羣峰四繞如九龍相戲狀山下有  
神龜遺形尙存難民亦多往避焉

雨花臺在薛家興仁堡城北前明時築髮回之亂避兵者眾  
鏡碑在聖母廟正殿高六尺光明如鏡歌臺樹木無不畢照  
會時士民雲集儼行鏡中